

雞澤縣志卷之四

蕭山王錦林粵巖增輯

靜海牛思永 校訂

山川

為高必因邱陵為下必因川澤雞以澤名地勢卑下
為廣郡眾流所歸自古然矣舊有雞澤山今或夷為
平壤而鳳起 土非有 巒 嶺之觀若滏陽沸
湧于東郊洺 舊滏橫溢于西鄙利害常相半也開
渠築堰以厚民生興其利去其害非為政之急務乎

雞澤縣志

卷之四 山川

一

志山川而以水利附

形勝右縮沙洺左縈漳滏背燕面魏畿輔股肱

雞澤山山堂肆考雞澤山在廣平府雞澤縣境杜預云在

廣平曲梁西南

按縣城西南半里有白衣大土庵一名雞鳴奶廟基址高四尺許相傳昔有土山

明時御史王夢卜為陰宅不吉因建此廟或即係雞澤山未可知而武庫註稱廣平曲梁西南宜在今之

段家庄善家堡處尋訪竟不可得姑志以俟確考

鳳起山在縣治後 萬歷間知縣曹孔榮築

署教諭何兆湖有記詳藝

志文 康熙十年知縣姜炤增築乾隆十七年知縣王光燮再

築

山在縣宅北預備倉南前為兩塘中間井泉後臨深池平岡迤邐長十餘丈寬三丈許舊志稱是山中峯鼎峙

樹木蔭郁登眺其上萬井雲烟歷歷在目年久頹廢止
巋然杯土等語自姜任增築後歷今九十年無有過而
問者簿書期會或以是非要務而忽之歟夫鳳鳴高岡
與文運相應邑自同年賀雋丙辰後久乏嗣音余以壬
申春始築是山子學詩副車次年加築遂登賢書
會逢其適抑或輿有係也擬於山前建亭顏以覽輝
復將兩池加濬中通一徑下壘小橋周圍植柳塘
內栽蓮以爲邑中遊覽之所未知得遂此願否

洛河在城西五里源出山西太行山自河南武安達耶鄆
西北二流雙導仍合爲一東經永年臨洛鎮又東至新庄
堡入縣境全家庄東北經南雙塢臻底村北至柳下城隍
界又北至韓固沙陽入順德府南和縣界至寧晉入泊
沙河一名馮水在城西十里源出山西遼州經順德府沙

雞澤縣志

卷之四

山川

二

河縣東達永年縣北又東至鄭歷村入縣境東北經焦佐
界北至浮黃溝又北至城隍韓固營入順德府南和縣
界至寧晉入泊沙河自永年鄭歷村入境河道窄狹易

前令朱公冕度地形鑿東西兩渠一名岔河自浮圖
東岸經西柳營東北至東柳北至城隍入正河一名
小裏河自浮西岸經南庄村北至北高家庄至南
縣家庄入正河自此河水分流數十年來民享
其利雍正八年大水河決鄭歷之南東流入普高村又
東北漫溢至枝寺東柳村又北至城隍營分爲兩支
一入正河一溢於韓固營至宋家庄入河知縣黃在
具詳堵塞決口而河身淤淺不能順流歷年堵築無
效每當水發時河流瀾漫六七里長二十餘里糧田
泊成巨浸冬河涸僅可種麥或積水未消則於次春
補種扁豆紅獲利無幾夏秋發水不能種藝名爲一
水一麥之區河無水浮沙堆積綿亘不能種藝名爲一

岸犁平侵種禾稼河道淤塞沿習爲常乾隆十五年庚午余蒞治茲土辛未夏潦親行履勘東柳栢枝村庄宛在水中數村士民以挑浚正河爲請余以歷年既久事體重大未敢遽行因集浮圖黃溝各村會議僉允癸酉三月始決疏濬之舉按畝出夫計里分工凡用民夫十六村二旬而工竣是秋水安流居民免患俟來春復濬兩支河以纘朱公故績俾浮圖各村永免水害後之官斯土者踵事增修庶其有濟乎

牛尾河原名舊濬河在城西自永年通水開流二里許會

郡城西北各村稻田宣洩之水東北至下堡店入縣境栗

家庄北至西硯池柳林口又北經六方馮鄭四雙塢過西

關金龍口又北至馬方營入順德府南和縣界至寧晉入

泊牛尾河一名小河永年志俗名出水溝明嘉靖十二年知府李騰霄開鑿入縣境至六方村河道紆曲不能畜

雞澤縣志

卷之四

山川

三

水泛溢爲患康熙七年知縣姜炤相度形勢自馮鄭村至亭自頭捐俸買地挑濬新河約二里許河流順利六方等村永無水患鄉民德之建有往來憩息公廡名曰治水新亭年久頽廢基址爲村民侵占乾隆十九年知縣王光燮購城東地改建新亭於其上

牛尾河自康熙年間姜令略爲挑浚後淤淺不行難免泛

溢因 畿輔頻年水患上廛

宸衷乾隆二十七年興修水利案內

欽差

尚書阿侍郎裘

會同

宮保督憲方 親履相度嗣飭委正定府鄭 定州狄

趙州金 會同知縣王錦林逐一確估河面展寬二丈二

尺河身挑深一丈二尺自永年大營頭起直至任縣大陸澤止通長一萬九千三百五十四丈派六段經辦縣境內河長五千四百丈計挑旱土方四萬零二百一十二方共需帑銀二千八百一十四兩八錢四分零於二十八年二月興工五月竣事實深一律蓄洩可恃仍諭各村居民每歲春融於淺淤阻塞處照向例按地修濬庶積潦可除永資利賴則所以仰體

皇仁而下恤民隱兢兢焉以求無失厥職者謂非守土之責歟願與後之蒞茲土者共勉之

雞澤縣志

卷之四

山川

四

按縣屬西南至東北一帶地勢低窪東自滏河西接牛尾皆河高於地當夏秋水發之時每多散漫居民患之於乾隆二十七年奉文興修水利知縣王錦林詳勘形勢自全家庄及亭自頭東六方至城濠又自城東北至平鄉交界一帶於大道旁開挖支溝一道引水入濠下達平鄉歸於寧晉入泊通詳各憲有案

滏河在城東十五里源出磁州鼓山南巖下湧沸如湯故名滏東滙神鷹山黑龍洞水經州城東北又東入邯鄲會渚沁二水東北過郡城又東達曲周北至馬疇村入縣境舊城營北至邢家堤又北至東于口入順德府平鄉縣界北流至天津青縣通漕入于海

漳河漳有二源清漳出山西樂平沾嶺濁漳出長子發鳩

山至河南涉縣合流曰交漳口東經磁州入河南臨漳
成安肥鄉達曲周界與滏河合流入縣境

本朝康熙二十三年漳水東徙復與滏分自此境內無漳
其故道在縣東二十里自曲周五間房入縣境羅官營八
里至韓窰村于次口仍入曲周界

興隆河在縣東自滏河西岸邢家堤開渠西至吳官營西
北至張路固西至臺頭北又西至東關外入城濠乾隆十
六年知縣王光燮新濬按縣境舊城營舊有閘座開渠通濠名文明河明季湮廢乾隆九年

奉
旨興舉直隸水利

雞澤縣志

卷之四

山川

五

特命大臣查勘前令李世基集衆議欲復舊城渠閘里民
慮地險為患乃建於邢家堤名曰利民開渠自吳官
營村內至臺頭村前歸文明故河以入城濠河道紆曲
水不順流辛未春士民王翰等呈請續舊營新度地得
此自東南至西北高下適宜三月興工衆皆踴躍趨事
一月而工畢由是水勢通行直達城濠次年於河之
南北挑濬子溝七道各建小閘計可溉田三百頃但濬
水入境其流甚微夏初播種時水或不至水澇之年閉
惟恐不謹惟秋末開閘灌田可以多種二麥且水性
肥厚能變斥鹵為膏腴因其利而導之以時經理是所
望於後之
同志者矣

文明河在縣東乾隆九年知縣李世基復濬說見前

閘座

金龍閘在城西北康熙年間知縣管繼武建乾隆十七年

知縣王光燮重修

牛尾河通城濠處

五靈閘在縣西南雙塢村牛尾河二日南靈北靈洛河三

日南靈中靈北靈乾隆九年知縣李世基建

首事生員董霖雨董事生

員郝淵王綱劉元功董毓秀李杜等計灌田一百四十頃

永和閘在縣西北大韓固洛河東乾隆十四年建

董事生員賈魁

元等計灌田十頃一十畝

義利閘在縣北小韓固洛河西乾隆十二年建

董事生員胡建勳胡

寧等計灌田五頃二十畝

永順閘在縣北小韓固洛河東乾隆十六年建

董事生員賈金等計

雞澤縣志

卷之四

山川

六

灌田十二頃五十畝

獲利閘在縣北沙陽洛河西雍正十二年建

董事生員竇容恂等計灌

田八頃三十畝

利民閘在縣東邢家堤滏河西乾隆九年知縣李世基建

首事生員王翰董事貢生弓効職監李仁生員魏琇高惠生徐元登邢殿揚等

七利閘在縣東興隆河子溝七道南四北三各修小閘曰

一利二利三利四利五利六利七利乾隆十八年建

青龍閘在城東乾隆十七年知縣王光燮建

興隆河入城濠處董事監

生梁徵吉生員殷功等

文明閘在城東南乾隆十八年知縣王光燮建
城濠處通

工工房趙宗
宋李懷璞

堤堰

護城堤 高一丈濶八尺明嘉靖二十年知縣曹希曾建四
十三年知縣常世勳隆慶五年知縣張汝學增修

本朝乾隆十六年知
縣王光燮重修

沙河堤今為牛尾河堤在縣西一里 高一丈濶一丈長三
十二里明嘉靖四十

三年本府同知張九一隆慶五年知縣張汝學增修
本朝康熙七年知縣姜炤乾隆十六年知縣王光燮再修

新河堤在縣西南 自康熙七年知縣姜炤築
康熙七年知縣姜炤築

滏河堤在縣東 河西大堤高一丈四尺濶一丈二尺長十
五里定例五年一大修主修三村曰舊城

雞澤縣志

卷之四

山川

七

營邢家堤東于口協修各村曰三貫庄庫史庄丁陳庄
附馬寨靳家庄槐玉橋常家庄于林要庄四河口司馬
堡郝庄八家寨臺頭賈庄葉柳營東馬方營張路固吳
官營郭家庄逢官營程官營東安西于口劉家庄北
馬方營三青堤龍泉各村按頭填補或有坍塌處所
在完固每年小修各按地頭填補或有坍塌處所
修整乾隆十七年大修其東堤稍低窄亦
各按地自修工程險要者本村合力修築

漳河堤在縣東 高七尺濶七尺舊長
二十五里今長八里

郡志雞澤地勢窪下為眾流所匯田皆斥鹵滏河距城東
十里許舊於舊城營開渠建閘引以通濠東南臺頭等四
十村資其灌溉明嘉隆間漳水進入頻溢為害天啟六年
水大溢閘潰渠亦堙嘗議復舊制第河卑地高必更築橫

開 蓄而下游平任之人惡分其利輒羣起爭之夫曲防
有禁若溢之在雞止爲鄰封計而傍岸石田曾不得霑涓
滴偏枯之歎所不免矣縣西三里爲牛尾河又西三里爲
洛河兩岸之雙埕沙陽橋等村均可置閘引水茲方經始
佇觀厥成焉牛尾乃永年八閘通溢之下流勤挑濬則無
壅滯南和以往或秦越視之則尾閘塞而胸腹病矣仰其
利弗恤其災平情者固不若此城之週有堤城東又有漳
河堤今並廢惟沿溢堤十五里里民歲修

修志郡伯烏程
吳穀辛丑進士

雞地下衆川交流稱澤國焉每秋水大漲漂廬沒田爲境

內患司牧者謂天時地勢所必至無可如何而不知裁成
輔相人事之幹旋爲急也沙水道狹至則散漫無所歸極
通水閘啟閉在永旱則蓄爲永利澇則洩爲雞害此二水
皆有害而無利者也洛勢平水厚漳溢旣合率安地中溢
則能變斥鹵爲膏腴此利多而害少者也治沙及舊溢在
導之使下以絕其害治洛及漳在修閘築堰時蓄時洩以
收其灌溉之益多穿溝渠分流遠引以殺其怒張之勢此
在永業有成效誠當今之急務累世之長計一方食福豈
小補哉修人事燮天時奠地勢是在司牧者獨斷而力行

姜志

滏水發源殊微經磁邯永三屬澆灌外春夏需水時

之虞夏秋之交雨潦驟集又往往漫溢為患

曲周志

滏水至平邑已經上游疏引水力稍弱雖杭稻未宜而夾

畦園若干頃灌汲之利于斯普焉

平鄉志

按雞邑四水其源流利害前人論之詳矣余任雞數載
廣諮博詢加意講求凡所興舉皆合眾志如開興隆河
及濟沙河故道尤為興利除害之大端行之頗有成
來年復濬沙水兩支河加築護城堤水利規模可畧定
也惟牛尾及洛河淺窄不能受水尚宜開濬深廣而為
城濠疏洩計又當于東北地面挑一順水溝至平邑順
堤歸河則邑中水患永除但工役屢興
民力難繼俟休息數年商度行之可耳

雞澤縣志

卷之四

山川

九